



893453

漢書卷之十
二




光緒十三年十一月
廣雅書局刊



漢書辨疑卷一

目錄

嘉定錢大



第三卷韓王信 福建本信下注子積當孫增五字汲古閣本

脫福建本者明按察司按察使周采提學副使周琬巡海副

使何喬等所刊

第二十五卷衛青霍去病李息公孫敖李沮張次公趙信趙食

其郭昌路博德趙破奴 福建本李息等九人分注於去病

之下

高帝紀

母媼 說文解字媼女老稱也讀若輿

漢書辨疑卷一

夢與神遇 爾雅釋言遇偶也對偶之義戰國策盼子復整其

士卒以與王遇高誘注遇敵也此與神遇亦對偶之意小顏

以爲不期而會失之

常從王媼武負貫酒注蓮勺音酌 酌當作輦監本閩本皆誤

常折券棄責 券當从刀从力者古倦字責南雍本閩本並作

負尋注文義負字爲是惟史記作責

鄉者夫人兒子皆以君注如淳曰以或作似顏監以如說爲非

案史記及論衡骨相篇竝作皆似君如說爲是蓋言相之

大貴皆似君耳非謂呂后之貌有類高祖也漢書凡以字皆

作吕此獨作以以卽似字說文佶象也吕用也隸書从不成

字故加人于左

芒碭山澤間 碭當从曷

高祖怪問之呂后曰 闕本作高祖怪問呂后曰

秦二世元年 闕本連上不提行二年三年放此

合置將不善 合南雍本闕本及史記竝作今

願吏釋可者 吏南雍本闕本及史記竝作更

注割廬山發而出水 割闕本作葛

秦泗川監平注師古曰川或爲水 案地理志作泗水則作水

者是 周勃傳作泗水

走至戚師古曰東海縣 胡梅磻曰沛郡與東海相去頗遠壯

兵敗而走未必能至東海之戚班志沛郡有廣戚縣恐是走

至廣戚

漢書辨疑卷一

章邯破殺魏王咎齊王田儵於臨濟 田儵魏豹傳荀悅漢紀

皆作臨濟惟項籍傳作臨菑疑誤

至城陽 城當作成此濟陰之成陽縣與濮陽相近

乃道碭至陽城與杠里 胡梅磻曰自碭取道而西也陽城史

記作成陽韋昭曰在潁川則是謂陽城也索隱曰在濟陰則

是謂成陽也杠里孟康服虔皆以爲縣名而班志無之予案

沛公之兵自碭而攻秦道成陽與杠里而後破東郡尉於成

武成陽縣屬濟陰成武縣屬山陽濟陰唐爲曹州成武屬焉

若取道潁川之陽城當自此西趨濟陝安得復至成武邪當

從史記成陽爲是杠里之地蓋在成陽成武之間

與魏將皇欣武滿軍 滿闕本及史記俱作蒲

又戰曲遇東 郡國志河南中牟有曲遇聚

從輶輶 薛綜注東京賦曰輶輶阪十二曲道將去復還故曰

輶輶

與南陽守齟 齟漢紀作呂齟

封陳恢千戶 漢紀作千戶侯李膺芸曰封恢千戶猶陳餘在

南皮而環封三縣不必侯也漢紀侯字或衍 高紀十一年封薛公千戶亦非

侯

往說秦將昭呂利 昭與囁同史記樂毅傳令趙囁秦以伐齊

之利徐廣曰囁進說之

漢元年傷人及盜抵罪注李奇曰 裴駙集解作李斐說

毋內諸侯軍 內讀若納

漢書辨疑卷一

三

會羽季父左尹項伯 左尹官名

臣與將軍戮力攻秦 戮闕本作勦注同說文勦并力也戮殺

也其義迥別書湯誥聿求元聖與之勦力左氏昭廿五年石

經勦力壹心戰國策勦力同憂高誘曰勦力勉力也其字皆

從力惟成十三年左傳有戮力同心然唐石經及宋本皆作

勦

籍何以生此 生南雍本闕本皆作至

噲因譙讓羽 方言譙讓也齊楚宋衛荆陳之間曰譙自闕而

西秦晉之間凡言相責讓曰譙讓

與樊噲斬彊滕公紀成 滕公夏侯嬰也紀成索隱曰漢書作

紀通通紀成之子與今本不同

收巴蜀租給軍食 軍下南雍本闕本俱有糧字

二年河南王申陽降 河南故秦三川郡

新城三老董公 此與武五子傳壺關三老茂皆縣三老也隋

文帝改新城爲伊闕取山爲名

以魏地萬戶封生 貢禹傳天子報禹曰朕以生有伯夷之廉

史魚之直師古曰生謂先生與此同義

漢王以韓信爲左丞相 李賡芸曰曹參以假左丞相定魏齊

以右丞相侯鄼商遷右丞相賜爵列侯後復以右丞相擊陳

孫樊噲亦嘗遷左丞相皆係空名不居其職故公卿表不載

三年十月甲戌晦日有食之 在斗二十度燕地

十一月癸卯晦日有食之 在虛三度齊地

漢書辨疑卷一

四 廣雅書局

良發八難 八難見良本傳

轅生說漢王 漢國三老袁良碑云厥先舜苗世爲封君周之

興虞闕父典陶正嗣滿爲陳侯至元孫濤塗初氏父字立姓

曰袁魯僖公四年爲大夫袁十四年頗作司徒其末或適齊

楚而袁生獨留陳當秦之亂隱居河洛高祖破項實從其策

案今本左氏傳及石經皆作轅陸氏釋文本作袁穀梁傳法

言竝作袁不从車旁唐宰相世系表袁生元孫榦榦八世孫

良則良卽袁生之後裔也

八月臨河南鄉注師古曰鄉讀曰嚮 鄉當讀爲響荀悅漢紀

作王饗師河南

四年割洪溝呂西爲漢 洪當爲鴻注作鴻

乃封侯公爲平國將 荀紀作平國君

五年深壑而守 壑南雍本闕本竝作塹

隨劉賈皆會 闕本隨下有何字南雍本亦脫

封項伯等四人爲列侯賜姓劉氏 四人謂射陽侯劉纒

徐廣曰項伯名纒字伯平泉侯劉它桃安侯劉襄也其一人漢表未聞史記

作元武侯

大王陛下注應劭曰陛者升堂之陛 升闕本作外南雍本亦

誤

七大夫公乘曰上皆高爵也 賈誼傳雖有長爵不輕得復張

晏曰長爵高爵也雖受高爵之賞猶將禦寇不得復除逸豫

也

漢書辨疑卷一

五

高起王陵對曰注張晏曰詔使高官者起故陵先對孟康曰姓

高名起臣瓚曰魏相邴吉高帝時奏事有將軍臣陵臣起

案瓚說非也魏相傳述高帝時受詔長樂宮者但有將軍臣

陵無臣起荀悅漢紀亦無高起二字張孟說皆不了當是衍

文

徒詒侯子闕中 諸侯子猶言諸侯人也上文云楚子諸侯人

之慕從者數萬人文穎曰楚子猶言楚人也諸侯人猶諸侯

國八

六年令天下縣邑城 荀紀作命復天下縣邑

今上尊太公曰太上皇 案秦始皇本紀云追尊莊襄王爲太

上皇高帝用秦制也

七年擊韓王信於銅鞮斬其將 其將王喜也

蕭何治未央宮 太平御覽引關中記云未央宮蕭何所造周迴二十三里疏龍首山土爲殿基殿基出長安城上

注蓋蕭何初立未央宮 立閭本作治

置宗正宮 宮當作官宗正本秦官是時始置

八年上京擊韓信餘寇於東垣 此韓信韓王信也

賈人毋得衣錦繡綺縠絺繻 穀釋名云粟也其形足足而

取視之如粟也又謂沙穀亦取取取如沙也繻當作縹說文縹魚網也縹西胡毳布也

九年詔敢有隳王罪三族 案周官小宗伯掌三族之別以辨

親疏鄭注三族謂父子孫人屬之正名婚禮請期辭曰惟是

漢書疑卷一

六 廣雅釋詁

三族之不虞欲及今三族末有不億度之事而迎婦也如此所云三族不當有異姓異姓其服皆緦麻不禁嫁女娶妻惟尚書歐陽家以九族爲父族四母族三妻族二其實非也爾雅釋親父之親爲宗族母之親爲母黨妻之親爲妻黨是族與黨秩然有辨若合異姓爲族則名不正矣如淳以三族爲父族母族妻族者失之張晏以爲父母兄弟妻子亦未爲得也

十年五月太上皇后崩七月太上皇崩葬萬年 案盧縮傳云

十年秋太上皇崩史記七月太上皇崩櫟陽宮楚王梁王皆

來送葬則晉灼以爲長夏五月太上皇后崩八字者是也注

家說皆不了苟悅漢紀五月太上皇崩七月太上皇葬於萬

年雖較漢書明晰然以盧縮傳及史記證之晉灼說爲優

常山二十五城 地理志常山郡縣止十八蓋後又改隸或分

析耳

注購設賞募也 募也下南雍本闕本俱有音構二字

相國鄼侯注臣鄼曰鄼音贊 予族子玷曰地理志南陽沛二

郡並有鄼縣以說文解字攷之南陽縣作鄼沛縣作鄼實不

同也何封在沛故班固十八侯銘云文昌四友漢有蕭何序

功第一受封於鄼應劭謂其字音嗟故與何爲韻也其作泗

水亭碑亦然惟臣瓚據茂陵書以爲何封在南陽不知封南

陽鄼者乃何曾孫慶非何也水經注河水下亦謂何封在南

陽蓋又因臣瓚而誤

漢書辨疑卷一

其有意稱明德者 三史拾遺曰 詹事兄所撰廿二史攷異史漢及後漢書已先付劄刷復

有所得者名曰拾遺 文選注引漢書意作懿懿稱者美稱也與明德對

文則懿義爲長古文懿與意通書金縢噫公命馬融本噫作

懿云懿猶億也詩大雅抑篇國語作懿戒小雅抑此皇父箋

抑之言噫論語抑與之與蔡邕石經抑作意是懿抑意噫四

文可通用也小顏於意稱闕而不解由於未識古音

上見公 南雍本闕本並作上召見

此聞帝崩 闕本此作比

惠帝紀

有罪當盜械者皆頌繫 漢紀頌作容案古容字作頌詩序曰

頌者美盛德之形容儒林傳魯徐生善爲頌師古曰頌讀與

容同漢楊統碑攷庶斯之頌儀義亦作容

及内外公孫耳孫 耳孫元孫之曾孫也爾雅釋親及平紀諸

侯王表甚明當從晉灼說應劭李斐皆誤

二年正月癸酉有兩龍見蘭陵家人井中 家人漢紀作人家

案五行志癸酉有兩龍見於蘭陵廷東里溫陵井中則作人

家皆是

邠陽侯仲薨 侯薨不書此何以書以高帝親兄且故代王也

三年立閩越君搖爲東海王 搖漢紀作繇案搖與繇同漢書

徭役字皆作繇

注在吳郡東南濱海云 閩本無云字

四年七月乙亥未央宮凌室災 五行志作十月漢紀作三月

漢書辨疑卷一

六年六月舞陽侯噲薨 侯薨不書噲何以書高后時諸呂顯

權用事大臣側目噲尙剛直未必黨同劉氏安危所繫故特

書

高后紀

太子立爲皇帝 他紀皆云某日太子卽皇帝位此處書法不

同蓋呂后臨朝稱制與自立無異且太子是後宮美人之子

非孝惠子不旋踵而爲呂后幽廢與恆山王無異故變文書

之

迺立兄子呂台產祿台子通四人爲王 通后紀七年及外戚

傳並作建四王台爲呂王產爲梁王祿爲趙王通爲燕王

元年初置孝弟力田二千石者一人 二千石指郡國守相也

二千石

案其文義當是二千石各一人猶言合各舉一人也若卽以二千石秩加之必不能如此之優顏說非是

強爲淮陽王注韋昭曰今陳畱郡 畱字衍

三年江水溢流民四千餘家 江水下脫漢水南雍本閩本俱有之五行志作漢中南郡大水漢紀亦作江水漢水溢流

注所謂英錢者 者南雍本閩本俱作也

七年九月燕王建薨 建當作通九月荀紀作八月

八年封中謁者張釋卿爲列侯 高帝約非有功不侯恩澤侯

自張釋卿始書之于紀惡其爽約也燕王澤傳作大謁者張卿恩澤侯表作張釋史記表及後漢書襄楷傳又作張澤此

又作張釋卿本紀表傳不同

漢書辨疑卷一

九

廣雅書目局

注其有加愚者 愚閩本作異

江水漢水溢流萬餘家 五行志漢中南郡水復出流六千餘

家河水流萬餘家

過其姑呂頰 呂頰樊噲妻也說文頰女字也賈侍中說楚人

謂姊爲頰離騷女頰之嬋娟王逸曰屈原姊也詩正義引鄭

注周易歸妹以須亦云屈原之姊名女須是須與頰古字通

呂頰爲呂后姊也

迺合持節矯內勃北軍 內讀爲納下母內相國產殿門殿門

弗內竝同

文帝紀

母曰薄姬注如淳曰姬音怡眾妾之總稱 如說是也六朝人

三百九十八

稱妾母爲媵卽此意但不知媵有怡音因變文爲媵此俗聞之謬耳攷爾雅釋親妻之姊妹同出爲媵豈可以稱厥妾小顏謂媵不當音怡失之

丞相臣平太尉臣勃大將軍臣武御史大夫臣蒼注服虔曰武柴武 大昭案服說非也若柴武爲大將軍位又在御史大夫之上則權貴無比公卿表不應失書攷高五王傳漢聞齊王舉兵相國呂產等遣大將軍潁陰侯灌嬰將兵擊之嬰至滎陽乃謀曰諸呂舉兵關中欲危劉氏而自立今我破齊還朝是益呂氏資也乃留兵屯滎陽使人諭齊王及諸侯與連和以待呂氏之變而其誅之又灌嬰傳云呂后崩呂祿等欲爲亂齊哀王聞之舉兵西呂祿等以嬰爲大將軍往擊之嬰

漢書辨疑卷一

十

廣雅釋詁

至滎陽乃與絳侯等謀風齊王以兵誅諸呂齊兵不前絳侯旣誅諸呂嬰自滎陽還與絳侯陳平共立文帝於是益封嬰三千戶爲太尉觀本紀元年詔書益封戶邑者止有太尉勃丞相平將軍嬰而無名武之大將軍則其爲灌嬰何疑嬰之大將軍是呂祿等所置故公卿表不載至棘蒲侯柴武爲大將軍其事在三年圖濟北王反遣武擊之事已卽罷故表亦不載服氏謂文帝卽位之初卽有大將軍柴武失之遠矣

宗正臣郢注文穎曰劉郢 案百官表高后二 years 上邳侯劉郢

客爲宗正又王子侯諸侯王表竝作郢客而史記表與此紀

俱作郢

臣謹請陰安侯注蘇林曰高帝兄伯妻 案漢書婦人封侯者

四陰安之外蕭何夫人爲鄼侯呂類爲臨光侯

文紀注作
林光誤 奚

涓母底爲重平侯
遂卽天子位 他帝皆云卽皇帝位此獨云天子者孝文謙讓
再三而後踐阼不敢以美稱自居史家著其謙德

元年詔曰天下人民未有慝志 史記慝作噤荀子榮辱篇臭
之而無噤於鼻楊倞注噤當爲噤蓋義與慝同

或陷於死亡 說文陸壁危也

二年十月丞相陳平薨 丞相薨例書曰不書姓惟陳平灌嬰
書姓不書曰申屠嘉不書曰翟方進書姓仍書曰

爲吏及詔所止者遣太子 謂遣列侯太子之國
注懶猶介然也 史記集解引漢書音義懶下有然字

漢書辨疑卷一

十一 廣雅書局采

初與郡守爲銅虎符 說文琥發兵瑞玉爲虎文蓋用兵取其
威武故玉與銅皆用虎也

三年其爲遂率列侯之國 遂南雍本闕本作厭字

註誤吏民 說文註誤也史記張儀傳夫不顧社稷之長利而
聽須臾之說註誤人主無過此者

四年九月封齊悼惠王子七人爲列侯 案王子侯表悼惠王
子十人皆以五月甲寅封此作七人又作九月皆誤

十四年建成侯董赫內史爨布皆爲將軍 建成侯董赫史記

孝文紀作成侯赤徐廣曰赤姓董漢書匈奴傳作成侯董赤
功臣表及漢紀俱無建成侯董赫但有成徹侯董濞孝惠元
年康侯赤嗣是建成侯衍建字赫赤古字通又攷百官表文

十四年有內史董赤而無樂布布傳又不言曾爲內史竊意
內史二字當在成侯之上

後元年無有所隱 閩本隱下有也字

二年結徹於道 徹古轍字南雍本閩本作轍

四年四月丙寅晦日有蝕之 五行志作丙辰

六年呂中大夫令免爲車騎將軍 漢紀令免作李勉今作令

免字之誤也徐廣以爲中大夫合是官名小顏以爲文帝時

尙無此官其人姓名召免二說皆誤

故楚相蘇意爲將軍 漢紀意作隱案意隱古字通春秋季孫

意如公羊傳作隱如

七年夏六月 案五行志及荀悅漢紀是年正月辛未朔日有

漢書辨疑卷一

十一 漢雅書局

食之本紀失載

姪帶無過三寸 姪當爲經南雍本閩本及漢紀竝作經

景帝紀

高廟酎奏武德文始五行之舞 鄭司農注春官大胥云漢大

樂律曰卑者之子不得舞宗廟之酎除吏二千石到六百石

及關內侯到五大夫子先取適子高七尺已上年二十到三

十顏色和順身體脩治者以爲舞人

減耆欲不受獻罪人不帑不誅亡罪不私其利也 案不私其

利也五字當從閩本在不受獻之下耆古嗜字孟子耆秦人

之炙孫奭音義云耆本亦作嗜小顏曰帑讀與擘同攷毛詩

禮記漢書皆作帑尙書孟子作擘俗字也起於呂忱字林見

張參五經文字

遣御史大夫青翟至代下 案翟字衍百官表作陶吉

廷尉信謹與丞相議 信廷尉名百官表孝文後元年有廷尉

信

二年十二月有星孛於西南 漢紀作十一月

封故相國蕭何孫係爲列侯 功臣表孝景二年侯嘉以則弟

紹封二千戶本傳與表及漢紀皆同係當作嘉

三年二月壬子晦日有蝕之 五行志作壬午晦漢紀作辛巳

朔

四年十月戊戌晦日有蝕之 五行志漢紀皆不載

七年正月廢皇太子榮爲臨江王 表作十一月己酉

漢書辨疑卷一

三 廣雅書局

中元年封故御史大夫周苛周昌孫子爲列侯注師古曰封苛

之孫及昌之子也 案顏說非是功臣表高景侯焯成以父

苛功爲侯孝文時有罪國除孝景中元年侯應以成孫紹封

史記同則應乃苛之曾孫不得謂之孫矣又云汾陰悼侯周

昌再傳至孝文時有罪國除孝景中元年 俗本作中 二年誤 侯左車

以昌孫紹封爲安陽侯 昌傳亦以左 車爲昌孫 則左車乃昌孫非昌子

也孫子二字當有關誤小顏未之攷耳

二年九月封故楚趙傅相內史前死事者四人子 功臣表皆

云四月丁巳封

三年春正月皇太后崩 予謂此七字衍史記及漢紀俱無此

事

九月立皇子乘爲清河王 表云三月丁酉立

四年起德陽宮 閩本作陽德宮注並同

五年立皇子舜爲常山王 表云三月丁巳立

六年四月梁王薨 梁王武不書名疑轉寫者脫之

後二年詔曰奸法與盜盜甚無謂也 謂閩本作異

今訾算十以上乃得宦 董仲舒傳云選郎吏又以富訾未必

賢也

贊同密文峻 罔古網字

漢書辨疑卷一終 南海潘乃成番禺黎永椿林國贊章琮校字

漢書辨疑卷一

西

廣雅書局印

嘉定錢大昭撰

武帝紀

封皇太后同母弟田蚡勝 說文踰地行鼠伯勞所作也一日

偃鼠重文作蚡

建元二年注本槐里之縣茂鄉 之縣二字南雍本闕本竝倒

轉

廢遷防陵 表傳竝作房陵

五年春罷三銖錢 五行志及漢紀是年正月己巳朔日有蝕

之紀失載

注王王后之母武帝然祖母 王后當作皇后然當作外

漢書辨疑卷二

六年春二月乙未遼東高廟災 五行志作六月丁酉疑誤

八月有星孛於東方長竟天 此卽蚩尤旗也五行志云長星

出於東方長終天三十日去

遣大行王恢將兵出豫章大司農韓安國出會稽擊之 案大

行當作大行令百官表云典客秦官景帝中六年更名大行

令表中建元五年有大行令王恢大司農當作大農令百官

表云治粟內史景帝後元年更名大農令武帝太初元年更

名大司農表中建元三年北地都尉韓安國爲大農令故太

初以前表所載惠殷鄭當時顏異正夫孔僅劉安國張成等

皆大農令至桑羊以後乃稱大司農然則建元時不當有大

司農無疑也

廣雅書局

越人殺郢降 越上當有閩字

元光元年注以三星見 三當作長

夏四月 案五行志及漢紀二月丙辰晦日有食之本紀不載

海外肅脊 古文慎作脊不从目

欲刷恥改行 貨殖傳刷會稽之恥師古曰謂拭除之

元朔元年匈奴入遼西殺太守入漁陽雁門敗都尉 敗閩本

作殺

二年三月乙亥晦日有蝕之 五行志作二月乙巳晦

六年 五行志是年十一月癸丑晦日有蝕之漢紀作癸酉此

不載

元狩元年恍於邪說 恍讀若誑說文誑誘也食貨志云善人

漢書辨疑卷二

恍而為姦邪李奇曰恍誘也動心於姦邪也

注應劭曰狃恍也 陳景雲曰狃恍二字當乙應氏本蓋以恍

為恍也 景雲字少章長洲人 有兩漢訂誤四卷

元鼎二年夏大水關東餓死者以千數 據魏相傳是時平原

勃海太山東郡溥被災害

四年立后土祠於汾陰睢上 說文鄗河東臨汾地即漢之所

祭后土處从邑癸聲鄗正字睢借用字漢舊儀又作蔡司馬

貞曰蓋河東呼誰與蔡同耳酈道元分鄗丘與睢為二失之

注此於觀為衛公 此閩本作封建武十三年封姬常為衛公

郡國志衛公國本觀

注利長先作土人持勒鞞於水旁 作疑當作使

獲祭於廟 祭南雍本闕本並作薦

拜況于郊 況古貺字僖十五年左氏傳女承筐亦無貺也釋
文本亦作況子虛賦來況齊國爾雅釋詁貺賜也

遣伏波將軍路博德出桂陽下湟水 湟水小顏無注當作涇
水音相近而誤水經涇水出桂陽縣盧聚東南過含涇縣南
出涇浦關爲桂水地理志南海郡中宿縣有涇浦關此正伐
南越之道若是湟水則出金城臨羌塞外與此不相涉

歸義越侯嚴爲戈船將軍 嚴漢紀作嚴助非是嚴助未嘗封
侯依張晏說以爲故越人降爲歸義侯則越字當在歸義之
上如下文越馳義侯遣之例矣功臣表亦無此侯

甲爲下瀨將軍 不知其名謂之甲也甲漢紀作祖廣明

漢書辨疑卷二

三 廣雅釋詁

六年郎中令一自爲征西羌 一當作徐百官表元符六年有

郎中令徐自爲

珠崖儋耳郡 賈捐之傳云三郡皆在南方海中洲居廣袤可

千里合十六縣戶二萬三千餘始元五年罷儋耳郡并屬珠

崖初元三年并罷珠崖

元封元年親登嵩高 嵩闕本作崇案嵩字說文新附章昭注

國語云嵩古通用崇郊祀志作嵩高

注比古制也 比南雍本闕本皆作此

秋有星孛于東井又孛于三台 五行志作五月

三年作角抵戲 刑法志云戰國稍增講武之禮以爲戲樂用

相夸視而秦更名角抵蓋古有此戲今復作之

五年舳艫千里 說文舳艫也漢律名船方長爲舳艫一曰舟
尾舳舳也一曰船頭

故馬或奔蹏而致千里 李善曰言馬不良或奔或蹏御之以
道而致千里之塗越絕書曰有高世之材者必有負俗之累
也

夫泛駕之馬 應劭曰泛覆也馬有餘氣力乃能敗駕

太初二年牒五日 諸家以牒爲羆腹羆腹者立秋時行之後

漢書劉聖公傳欲以立秋日羆腹時其却更始是也此牒行
於三月恐非其義說文解字牒楚俗以二月祭飲食也一曰

祈穀食新曰離牒梁傳本無離字其說近之

注卽得所築城 得閩本作徐

漢書辨疑卷二

四

廣雅書局

注則搜索踰侈者也 閩本無則搜三字

天漢四年 據後漢書西南夷傳是年省沈黎郡并蜀爲西部

太始元年徙郡國吏民豪傑于茂陵雲陵 小顏以爲當言雲

陽其說是也荀紀云陵在雲陽

夏六月 五行志及漢紀是年正月乙巳晦日有蝕之

二年九月募死罪人贖錢五十萬減死一等 顧炎武曰此與

天漢四年一事重見又同是九月案漢紀亦重載蕭望之傳

望之所引止言天漢四年不云太始二年復有詔也

征和二年更節加黃旄 劉屈氂傳云初漢節純赤以太子持

赤節故更爲黃旄加上以別之

立趙敬肅王子偃爲平王 平下脫千字南雍本閩本皆有之

孟康曰平于今廣平

後二年注帝年十七卽位 漢紀云年十六

昭帝紀

孝昭皇帝注荀悅曰諱弗之字曰不 案昭帝初名弗陵武帝

後元二年立皇子弗陵爲皇太子是也後但名弗故諱弗不

諱陵

母曰趙婕妤 說文婕女字也嫫女字也讀若余二字連文知

許氏以婕嫫爲婦官名史記外戚世家尹婕妤好韋昭曰婕承

好助也一曰美好也

始元元年益州廉頭姑繒牂柯談指同竝二十四邑皆反 談

指同竝二縣屬牂柯廉頭姑繒益州郡無此二縣

漢書辨疑卷二

五 廣雅書局刊

遣水衡都尉呂破胡募吏民 案西南夷傳百官表竝作呂辟

胡師古音辟爲璧

齊孝王孫劉澤謀反 劉澤書姓以其謀反外之使若異姓然

皆以前捕斬反虜重合侯馬通功 討馬通事在武帝後元元

年

五年軍正王平擊益州 此卽上文故廷尉王平也

元鳳元年龍頰侯韓增 增表作曾頰宣紀作雒竝誤

丞相少史王壽 下文封廷年倉宮壽則其人名壽功臣表作

王山壽補史記作王山

四年帝加元服 惠帝紀云皇帝冠與此書法不同博物記孝

昭皇帝冠辭曰陛下摘顯先帝之光曜以承皇天之嘉祿欽

奉仲春之吉辰普尊大道之郊域秉率百福之休靈始加昭明之元服推遠冲孺之幼志蘊積文武之就德肅勤高祖之清廟六合之內靡不蒙德永承與天無極

孝文廟正殿火太常坐大不敬會赦太常轅陽侯德免爲庶人注文穎曰轅音料德江德也轅陽在魏郡清淵案百官表始元六年轅陽侯江德爲太常四年坐廟夜郎飲失火免與本紀同水經淇水注云昭帝封太常江德爲榆陽侯攷史記補表作遼陽侯江德田廣明傳廢齊夫江德封轅陽侯田延年傳上封德轅陽侯而功臣表止有轅陽侯江喜又不言其有罪免官或疑別是一人然江喜不見史傳而江德則確鑿可據其爲名德無疑變文爲喜者傳寫之誤不言有罪免官者免官而不免侯也郊祀志有轅陽侯師古曰江仁也元帝時坐使家丞上印綬隨宗學仙免官江仁卽江德之子也贊亦有燕盍上官逆亂之謀蓋與益同卽長公主

宣帝紀

孝宣皇帝注荀悅曰詢之字曰謀帝初名病已元康二年改

名詢

每買餅所從買家輒大讎古售字作讎史記高祖本紀每酤畱飲酒讎數倍索隱曰樂彥云借讎爲售蓋古字少段借耳今亦依字讀

就齊宗正府齊讀爲齋

本始元年車騎將軍光祿勳富平侯安世萬戶注李斐曰居光

祿位以車騎官號尊之無車騎官屬 案李說非也百官表
元鳳元年光祿勳張安世爲右將軍光祿勳六年遷元平元
年右將軍安世爲車騎將軍光祿勳七年遷是安世初爲右
將軍光祿勳故表云光祿勳并右將軍也迨改官車騎仍兼
光祿勳車騎本非加銜安得謂之無官屬乎

杜侯屠耆堂 堂字衍功臣表但云屠耆本紀五鳳三年匈奴
虛闕權渠單于死右賢王屠耆堂伐立非杜侯也霍光傳亦
誤作屠耆堂說者乃謂功臣表脫堂字誤矣

注成帝侍內郡舉方正 侍南雍本闕本並作時
賜天下人爵各一級 人當作民

四年廣川王吉有罪廢 坐烹姬不道吉表傳及漢紀皆作去

漢書辨疑卷二

七 漢書辨疑

地節元年有星孛於西方 五行志云去太白二丈所

二年光祿大夫平丘侯王遷有罪下獄死 坐平尚書聽請受

臧六百萬

五日一聽事曰下各奉職奏事 聽事下南雍本闕本並有自

丞相三字

清河王年有罪廢 坐鳥獸行

元康元年庶不允諧 不南雍本闕本並作尹

骨肉之親祭而不殊 漢紀作放而不誅案昭公元年左氏傳

周公殺管叔而蔡蔡叔注云蔡放也陸氏釋文云上蔡字音

素葛反說文作縻从殺下米此作祭字縻之誤也漢書多古

字故作縻

神爵二年屢獲天福 屢漢書皆作婁此獨不然誤

五鳳元年左馮翊韓延壽有罪棄市 坐誣愬典法大臣欲以

解罪

二年匈奴呼遼累單于帥眾來降 卽義陽侯厲溫敦

平通侯陽暉 陽南雍本作楊閩本作揚

甘露元年二月丁巳大司馬車騎將軍延壽薨 表與漢紀俱

作三月

太上皇廟火 五行志作中山太上皇廟災

二年遣護軍都尉祿將兵擊珠崖 祿漢紀作張祿

行幸萑陽宮注應劭曰宮在鄠秦文王所起 東方朔傳作倍

陽李斐音萑爲倍故字又作倍負倍古通用夏本紀負尾地

漢書辨疑卷二

理志橫尾山古文以爲倍尾月令云王萑生呂覽作王菩穆

天子傳注云萑今菩字皆其證也說文郿右扶風郿鄉讀若

陪郿鄉卽萑鄉宮在其鄉故以名焉郿正字萑倍竝段借用

耳

詩云牽禮不越 毛詩禮作履古禮與履通蕭望之傳及韓詩

外傳說苑竝引作牽禮

三年單于罷歸之長樂衛尉高昌侯忠 之當作遣南雍本閩

本竝不誤

詔諸儒講論五經同異太子太傅蕭望之等平奏其議上親稱

制臨決焉 案是時與議石渠者易家博士沛施雋黃門郎

東萊梁丘臨書家博士千乘歐陽地餘博士濟南林尊譯官

令齊周堪博士扶風張山拊謁者陳雷假倉詩家淮陽中尉
魯韋元成博士山陽張長安沛薛廣德禮家梁戴聖太子舍
人沛聞人通漢公羊家博士嚴彭祖侍郎申輓伊推宋顯許
廣穀梁家議郎汝南尹更始待詔劉向梁周慶丁姓中郎王
亥其可考者凡二十三人議奏之見於藝文志者書四十二
篇禮三十八篇春秋三十九篇論語十八篇五經雜議十八
篇凡一百六十五篇易詩二經獨無議奏班氏失載之耳
迺立梁丘易大小夏侯尚書穀梁春秋博士 漢紀有公羊春
秋左氏傳七字蓋誤也劉歆傳可證

四年廣川王海陽有罪廢 坐殺人
元帝紀

漢書辨疑卷二

九

廣雅書局

大臣楊惲盍寬饒等 盍南雍本閩本作益

奈何純住德教 住當作任

初元二年嚴籞池田假與貧民 嚴古籞字說文籞雉射所蔽
者也籞禁苑也應劭曰籞在池水上作室可用棲鳥鳥入則

捕之 應說見
文選注

乃二月戊午地震於隴西郡 地震事見詔書故於二月不書

避重出

毀落太上皇廟殿壁木飾 案高帝紀十年八月令諸侯王皆

立太上皇廟于國都隴西郡非諸侯王都何以有此廟所未
解也又攷惠帝紀合郡諸侯王立高廟此所毀落者或是高

廟歟

注師古曰煬音供養之養也 師古南雍本闕本皆作鄭氏說
令從官給事宮司馬中者注應劭曰司馬中者宮內門也 案

漢舊儀皇帝起居儀宮司馬內百官案籍出入營衛周廬晝

夜誰何殿外門署屬衛尉殿內郎署屬光祿勳黃門鈎盾署

屬少府

十二月丁未御史大夫貢禹卒 案是年御史大夫陳萬年先

卒不知何以不書

注雍讀曰 曰下脫壅字

注稼或作臧 臧南雍本闕本並作桑

永光二年吏六百石以上爵五大夫勤事吏各二級 爵自五

大夫以上為官爵故必六百石以上乃賜之其勤事吏之二

漢書辨疑卷二

級民爵也

四年六月甲戌孝宣園東闕災 五行志作孝宣杜陵園東闕

南方災

注永上有職事者 事南雍本闕本並作字

家有不妄之意 不安闕本作不自安

五年秋潁川水出流殺人民 五行志是年夏及秋大水潁川

汝南淮陽廬江兩壤鄉聚民舍及水流殺人

注蛾若今之蠶蛾類也 闕本若字上有成羣二字

建昭元年冬河閒王元有罪廢 坐殺人

二年益三河郡太守秩 漢紀云益秩中二千石

竟寧元年注應劭曰虔韓邪單于願保塞邊竟得以安寧故曰

冠元也 案應說是也說文無境字竟卽境也且其詔曰邊
垂長無兵革之事意義顯然小顏拘泥詔中長字故以竟爲
終極之言果如其說在漢人文義必曰永盛矣

御史大夫延壽卒 延壽不書姓疑脫

注帝年二十七卽位 漢紀元帝卽位年二十六據本紀云年

二歲宣帝卽位則荀紀是

贊元帝多材藝善史書注應劭曰周宣王太史史籀所作大篆
三史拾遺曰應說非也漢律太史試學童能諷書九千以
上乃得爲史貢禹傳武帝時盜賊起郡國擇便巧史書者以
爲右職俗皆曰何以禮義爲史書而仕宦蓋史書者令史所
習之書猶言隸書也善史書者謂能識字作隸書耳豈皆盡

漢書辨疑卷二

十一 廣雅律呂局採

通史籀十五篇乎外戚傳許皇后聰慧善史書西域傳楚主
侍者馮嫪能史書王尊傳少善史書後漢書安帝紀年十歲
好學史書皇后紀鄧皇后六歲能史書梁皇后少好史書章
八王傳安帝所生母左姬善史書齊武王傳北海敬王睦善
史書當世以爲楷則明八王傳樂成靖王黨善史學喜正文
字諸書所稱善史書者無過諸王后妃嬪御之流略知隸楷
已足成名非真精通篆籀也魏史管寧傳潁川胡昭善史書
與鍾繇邯鄲淳衛顛韋誕並有尺牘之迹動見楷則史書之
卽隸書明矣

有古之風烈 閩本風烈下有也字

成帝紀

六月己未太子卽皇帝 己未誤荀紀作乙未

建始元年皇曾祖悼考廟災 五行志作皇考廟災

有星孛于營室 五行志青白色長六七丈廣尺餘

二年三輔長無共張繇役之勞 張晏曰張帷帳也 文選東都賦注引

小顏以爲供具張設故不取其說

三年秋關內大水 五行志是年夏大水三輔霖雨三十餘日

郡國十九雨山谷水出凡殺四千餘人

七月虜上小女陳持弓 五行志作十月丁未

十二月戊申朔日有蝕之 谷永傳云日食嫫女之分

四年罷中書宦官注臣瓚曰漢初中人有中謁者令孝武加中

謁者令爲中書謁者令置僕射 案瓚說非也百官公卿表

漢書辨疑卷二

十一 廣雅書局印

少府有中書謁者黃門鉤盾尙方御府丞巷內者宦者七官

令丞諸僕射署長中黃門皆屬焉又曰成帝建始四年更名

中書謁者令爲中謁者令然則漢初但有中書謁者令成帝

罷中書之名改爲中謁者令耳豈得謂武帝所加乎僕射亦

非孝武始置

初置尙書員五人 漢官儀云尙書四員武帝置成帝加一爲

五有侍曹尙書戶曹尙書主客尙書二千石尙書成帝加三

公尙書主斷獄事 見後漢書光武紀注

中謁者丞陳臨 百官表有中書謁者令丞是時令已改爲中

謁者則丞亦改矣故有中謁者丞

注言令陳農爲使而吏反下使使之求遺書也上使音所讀如

本字 吏反下使四字當在音所二字之下

河平四年遣光祿大夫博士嘉等十一人 嘉漢紀作孟嘉
行舉瀕河之郡 瀕與穎同俗作濱

困乏不能自存者財振貸 古財與裁通泰卦象曰后以財成

天地之道苟爽本財作裁苟子非十二子篇一天下財萬物

楊倬注云財與裁同史記封禪書民里各自財以祠漢書作

自裁

陽朔二年黎民於蕃時雍 蕃當音薄河切蕃變聲相近

三年穎川鐵官徒申屠聖等 案穎川陽城有鐵官

四年先帝劬農 爾雅釋詁劬勉也說文亦云劬勉也讀若舜

樂韶

漢書辨疑卷二

十三 廣雅書局采

服田力耆 耆古穡字詩伐檀云不稼不穡石經魯詩殘碑作

耆書無逸云先知稼穡之艱難蔡邕石經作耆商書舍我穡

事史記作耆

鴻嘉元年以新豐戲鄉爲昌陵縣奉初陵 郡國志新豐有戲

亭三輔舊事云成帝作延陵及起廟實將軍有青竹田在廟

南恐犯蹈之言作陵不便乃徒作昌陵取土十餘里土與粟

同價御覽三十七 永始元年詔曰作治五年容土疏惡正謂此也

二年博士行飲酒禮 漢紀作行鄉飲酒禮

三年孝景廟闕災 五行志作北闕

廣漢男子鄭躬 男子五行志作鉗子師古曰鉗徒也

永始元年戾后園闕火 五行志作南闕

其罷昌陵及故陵 陳景雲曰及當作反先是劉向諫昌陵事
有宜還復故陵之請而次年詔言侍中衛尉長數白宜早止
徙家反故處故處卽故陵也反故陵謂仍還渭城延陵

三年殺陳留太守 太守巖普也見天文志

四年霸陵園闕災 五行志作孝文霸陵園東闕南方災

元延元年昭儀趙氏害後宮皇子 書之爲後宮專寵者戒

綏和元年封中山王舅諫大夫馮參爲宜卿侯 卿當作鄉

贊升車正立不內顧不疾言不親指注師古曰不內顧者謂儼

然端巖不迴眄也此三句者本論語鄉黨篇今論語云車中

不內顧不疾言不親指內顧者說者以爲前視不過衡軛旁

視不過轡較與此不同 如小顏說則古本論語是車中內

漢書辨疑卷二

顧也前視不過衡軛旁視不過轡較非漢儒不能有此精確
詰訓唐本尙不誤注中今論語不內顧衍不字贊中不字疑
亦是後人所加師古不能舉正之耳

哀帝紀

追尊傅父爲崇祖侯丁父爲哀德侯 追尊之侯表例不載

曲陽侯王根成都侯王況皆有罪 坐山陵未成置酒歌舞

建平二年時詔夏賀良等建言改元易號 時當作待

三年帝太后所居桂宮正殿火 正殿五行志作鴻靈殿

平帝紀

少府董恭等皆免官爵 案公卿表建平四年光祿大夫董恭

爲少府元壽元年遷衛尉二月爲光祿大夫此仍云少府者

蓋是時官職遷徙無常恭是董賢之父當哀帝時不應致仕或以光祿大夫仍爲少府也

性者有司多舉奏赦前事 性當作往

元始元年追諡孔子曰褒成宣尼公 宣尼之號始見於此晉

劉琨詩宣尼悲獲麟

二年賜故曲周侯酈商等後元孫酈明友等爵關內侯 案功

臣表明友是商元孫之孫此誤

罷安定呼池苑以爲安民縣注師古曰中山之安定也池音大

河反 案顏說非也中山無安定縣若以爲近於虜池河亦

當在河間國之樂成弓高開矣

三年鄉曰庠聚曰序 韋昭曰小於鄉曰聚 見文選東都賦注 此顏注

漢書辨疑卷二

十五 廣雅書局

所本

注以陸高祖元孫之親 陸闡本作陸

注故爲之傳 爲當作謂

注因到獵日 獵當作臘

五年 五行志是年七月己亥高皇帝原廟殿門災盡本紀不

書

葬康陵 孝平爲莽所鳩不書弒者春秋諱內大惡之意惟於

葬不書日以示變例

注媵之言送 送下南雍本闕本有也字此誤刻于又音孕之

下

漢書辨疑卷三

嘉定錢大昭撰

異姓諸侯王表

殷周之王乃繇禹稷 說文偃高辛氏之子堯司徒殷之先人契聲又曰禹蟲也从虫象形讀與偃同籀古文禹是禹即

契也

曰德若彼用力如此其艱難也 尋顏注則艱當作難說文艱

王士難治也籀文艱从喜

漢元年 是年歲在乙未十月受秦王子嬰降

一月注應劭曰十八王同時稱一月 此一月據本紀是乙未

歲之第五月漢都南鄭獨不載所以別於十八王

漢書辨疑卷三

五年王韓信始 都下邳

五年芮徒長沙 本紀王長沙豫章象郡桂林南海等郡

子尉嗣為王 尉史記作謹

王趙歇始下云二十七 歇以二世二年正月立為趙王至項

羽改封歇為代王凡二十七月也膠東之二十遼東之三十

一 漢書作三十 魏之十九韓之二十二竝放此 誤今從史記

王田市始故齊將 項羽傳徙齊王田市為膠東王此當云故

齊王

縮反降匈奴 本紀在十二年表在十一年誤

漢元年十月王韓信始漢立之 項羽誅韓王成後羽以故吳

令鄭昌為韓王距漢至是時鄭昌降漢漢乃立韓太尉為韓

王言漢立之者別於楚所立

信徙太原 本紀六年以太原郡三十一縣爲韓國徙韓王信

都晉陽

王彭越始 都定陶

王鄭昌始項王立之 誤下一格

初置魯國 當在高后元年下今在七年下誤也初置淮陽國

復置常山國初置呂國其誤同

高后六年嘉坐驕廢王呂產始 誤下一格

高后二年共王若嗣 若傳作右非

孝文二年靖王產嗣 產傳作差史記作著皆形相似而訛

諸侯王表

漢書辨疑卷三

一 廣雅書局

有逃責之臺注劉德曰洛陽南宮謬臺是也 說文謬離別也

周景王作洛陽謬臺

姍笑三代 說文姍誹也

武帝施主父之冊 冊與策同

漢諸侯王厥角節首 說文瞞下晉也瞞古稽字

楚元王交 傳云王薛郡東海彭城三十六縣本紀云以碭郡

薛郡郟郡三十六縣立弟文信君交爲楚王史記世家云王

淮西三十六城惟吳王傳則云元王王楚四十城其數與諸

篇不合傳云東海紀作郟郡郟郡卽東海也碭卽梁國高帝

五年旣以梁封彭越元王何由得之本紀誤

文王禮三年薨 傳作四年

襄王注嗣 注史記世家作經

十二年薨 傳及世家作十四年

代王喜 喜傳作仲漢紀云次兄曰喜字仲本紀以雲中雁門

代郡五十三縣立兄宜信侯喜為代王表不云以宜信侯立

猶楚元王之不言文信君也

七年為匈奴所攻棄國 史記作九年誤

吳王濞 傳云王三郡五十三城當是吳會稽鄣三郡 伍被傳云王四

郡之眾

齊悼惠王肥 本紀云王膠東膠西臨菑濟北博陽城陽七十

三縣吳王傳云孽子悼惠王王齊七十二城漢紀云王七十

縣攷曹參傳定齊郡凡得七十縣又云參之相齊齊七十城

漢書辨疑卷三

漢紀是 孝惠二年獻城陽郡為魯元公主湯沐邑高后元

年割濟南郡予呂王七年割琅邪郡立劉澤為琅邪王文帝

元年復以城陽琅邪濟南予齊

正月壬子立 高五王傳但云正月立史記作正月甲子證以

本紀則壬子是甲子非也

孝文十六年孝王將闔以悼惠王子楊虛侯紹封 案高五王

傳齊濟北菑川膠東膠西濟南六王同日俱立此表於五王

之封皆云四月丙寅而齊孝王獨闕蓋紹封之王例不書月

日也六王之封文帝紀皆作五月

城陽惠王武十二年薨 闕本及傳作十一年

荒王順 順史記作賀

王儷以雲弟紹封 傳作雲兄

苗川考王尚六年薨 傳作五年

懷王友 閩本及傳作交此友字誤

濟南王辟光以悼王子劫侯立 悼下脫惠字師古曰劫音力

案服虔音勒劫平原縣

膠西王卬 景帝時有罪削六縣見吳王傳

膠東王熊渠 高五王傳作雄渠

荆王賈 王東陽郡鄣郡吳郡五十三縣見本紀世家云王淮東

五十二城

高帝從父弟 傳作從父兄

淮南厲王長十一年十月庚午立 史記作十二月

漢書辨疑卷三

四 廣雅書局

淮南王安衡山王賜濟北王勃表皆云四月丙寅封 本紀作

五月

濟北成王胡 成傳作式史記作武

王寬謀反自殺 案本傳寬坐與父式王后光姬孝兒姦諄人

倫自殺非謀反也

趙隱王如意九年四月立 案本紀七年十二月辛卯立為代

王九年正月徙趙紀云正月表云四月蓋本紀猶用秦正作

表者追改之也表傳俱不言其自代徙封失之略矣

代王高后八年為皇帝 漢書之例凡皇帝初封之國表中皆

不書名尊君之意也如膠東王陽武侯皆是

趙王遂孝文元年以幽王子紹封 元年十二月封

燕靈王建十二年二月甲午立 史記作三月誤

梁懷王揖 賈誼傳作小子勝史記亦作勝

十年薨亡後 本紀十一年六月薨表數其在位之年紀載其

薨之年故不同

孝王薨孝景後元年恭王買嗣 案景帝紀中六年夏四月梁

王薨分梁為五國立孝王子五人皆為王文三王傳同則恭

王嗣立當亦在中六年五月丙戌若作後元年則止有濟川

濟東山陽濟陰四國不得為五人且不應先封所分之四王

而恭王之嗣反在第二年也傳寫之誤顯然

貞王毋傷 傳作頃王

濟川王明以孝王子桓邑侯立 桓邑傳作垣邑其陳留之長

漢書辨疑卷二

五 廣雅注官同本

垣歟

坐殺中傅廢遷房陵 案文三王傳坐殺其中尉史記同武帝

紀坐殺太傅中傅應劭曰中傅宦者也攷百官表諸侯但有

太傅輔王中尉掌武職別無中傅之職應仲遠以為宦者亦

以意揣之爾傳作中尉是

濟陰哀王不識七年薨 七年當作一年

代孝王參七年薨 傳作十七年表脫十字

河間共王不周 傳及史記竝作不害周字誤

剛王基 基傳及史記作堪

頃王緩 緩傳及史記作授

孝王慶四十七年薨 傳作四十三年是

惠王良 綏和二年益封萬戶

魯共王餘二十八年薨 紀作元朔元年史記作元光六年

頃王封 封傳作勁

江都易王非高帝子 高當作景

廣世王宮 紀作廣川傳作廣陵案水經注陰溝水下渦水又

東逕廣鄉城北圜稱曰襄邑有地丘亭故廣鄉矣改曰廣世

趙哀王高以頃王子紹封 案哀王高當與懷王尊同行此誤

下一格

長沙戴王庸 史記作康王

中山懷王脩 脩傳作循

廣平王漢 傳云哀王復立雲客弟廣漢爲廣平王是其人名

漢書辨疑卷三

六 廣雅書局宋

廣漢也脫廣字

臨江愍王榮七年十一月己酉立 本紀作正月

廣川王汝陽 紀傳作海陽

廣德靜王榆 榆本紀及王子侯表竝作倫景十三王傳于中

山靖王勝下云哀帝復立雲客弟廣漢爲廣平王薨無後平

帝元始二年復立廣川惠王曾孫倫爲廣德王奉靖王後于

廣川惠王越下云元始二年復立戴王弟襄隄侯子榆爲廣

德王奉惠王後論者遂疑元始中同時有兩廣德王殊不知

成帝鴻嘉二年以丹陽之黟縣置廣德國封雲客爲王奉靖

王後未久而亡後國除哀帝建平三年復封雲客弟廣漢于

廣平至王莽篡乃廢是中山靖王元始中未嘗之祀何必以

廣川惠王之曾孫爲後乎中山王傳中薨無後平帝元始二
年至奉靖王後二十六字竝是衍文廣德國廢而復置非有
兩廣德也

以惠王曾孫戴王子紹封 案王子侯表襄隄侯聖廣川繆王
子聖子倫爲廣德王傳云戴王弟襄隄侯之此表戴王下脫
弟字

膠東哀王賢十四年薨 傳作十五年

恭王授 恭傳作共古字通用

王殷嗣王莽篡位貶爲公 按莽傳改殷爲扶崇公殷弟徐鄉
侯快起兵殷自繫獄益邑滿萬戶地方百里

六安恭王慶元符二年立 案景十三王傳慶與兄膠東王賢

漢書辨疑卷三

七 廣雅書局印

同封賢之封在三年此亦宜然本紀作三年是

夷王祿十四年薨 四字衍傳作十年

繆王定二十三年薨 傳作二十二年是

眞定孝王由 由閩本作申

共王普 共後漢書郭后紀作恭

泗水思王商十五年薨 五字衍傳及史記竝作十年

勤王綜 綜當從紀傳作煖

廣陽王嘉王莽篡位貶爲公 案武五子傳王莽時皆廢漢藩

王爲家人獨嘉以獻符命封扶美侯賜姓王氏

廣陵共王意十三年薨 十字衍傳作三年

哀王護 閩本作護人

昌邑哀王醴天漢四年六月乙丑立 本紀作四月

元始元年王賀嗣 元始當作始元

隨父兄八人 兄當作凡

東平思王宇甘露二年十月乙亥立 本紀作九月

王匡 是東平王開明之兄誤下一格

中山王成都 此當在中山孝王興之下班氏所以附於東平

思王下者天子至尊不可與藩王並列也定陶王景附于楚

孝王下亦此意

獻書言莽德封烈侯 烈當作列

楚孝王躡十月乙亥立爲定陶王 本紀作正月

懷王芳 芳傳作文

漢書辨疑卷三

八

廣雅書局藏

思王衍以孝王子紹封 故平陸侯

十一年薨 傳作二十一年是

王紆王莽篡位貶爲公子 子字衍

定陶共王康王欣嗣綏和元年爲皇太子 案宣元六王傳成

帝無子徵欣爲皇太子上以太子奉大宗後不得顧私親乃

立楚思王子景爲定陶王奉共王後此表已于楚孝王下載

之故不重出猶中山王箕子爲成帝後更立東平思王孫桃

鄉頃侯子成都爲中山王奉孝王後已載在東平思王下故

中山下不再見非闕文也

漢書辨疑卷三終 南海潘乃成番禺黎永椿林國真章琮校字

王子侯表上

或替差失軌 替師古以為古僭字則字當作替

羹頡侯信 漢紀作刮羹侯括地志羹頡山在媯州懷戎縣東

南十五里

合陽侯喜 喜史記作仲合陽惠帝紀作郤陽誤高紀及吳王

濞傳與此俱作合陽下雖不注郡名當是平原縣

八年九月丙午封 本紀七年十二月赦喜為合陽侯

沛侯濞十一年十二月癸巳封 史記作二月癸巳封沛沛郡

縣

漢書辨疑卷四

德哀侯廣下注泰山 廣代頃王子濞之弟也德功臣表屬濟

南此注泰山疑是平原安德縣

以兄子侯 依例當于第二格書帝兄子

百二十 此位次也功臣表中軼侯黎朱蒼亦是百二十汲古

閣本作百一十誤閣本作百二十表中凡言功比某侯者皆

以後比前黎朱蒼百二十劉它百二十一故劉它功比軼侯

表缺一百二十七廣之位次也上邳侯郢客一百二十八朱

虛侯章一百二十九廣同是宗室位次必聯屬矣

頃侯通 孝景三年為宗正

康侯猷二十四年薨 閏本作二十八年亦誤自孝景六年至

元鼎四年當云三十八年

上邳侯郢客 說文邳奚仲之後湯左相仲虺所封國在魯薛縣與地理志同上邳卽薛縣東海有下邳故此云上邳客高后二年爲宗正

朱虛侯章 朱虛琅邪縣表不言初封戶數攷文帝紀元年以首先捕斬呂產益封二千戶

東牟侯興居 東牟東萊縣

管共侯罷軍 管地理志水經注竝作管濟南縣也共史記作恭

四年五月甲寅封 本紀作九月

侯戎奴孝景二年反誅 二當爲三

氏丘共侯甯國 氏丘史記作瓜丘俱誤應是斥丘魏郡縣甯

漢書辨疑卷四

一 廣雅書局藏

史記作甯說文甯所願也从用甯省聲甯願詞也从乃甯聲甯與寧同故甯陵夷侯呂臣史記作甯陵今借爲安甯之甯俗作甯誤从冉

營平侯信都 族子埒曰功臣表有營平侯疑此亦以營平爲地名然史記只作營水經注灑水出營城東西北流逕營城

北文帝封劉信都爲侯國是引證明確矣

楊丘共侯安 地理志作楊丘濟南縣

楊虛侯將閭 平原縣地理志作樓虛非是史記作恭侯將廬

衍恭字

枋侯辟光 枋平原縣史記世家作勒

十二年爲齊南王 齊當作濟

安都侯志 正義曰安都故城在瀛州高陽縣西南三十九里

平昌侯印 平原縣世家作昌平誤地理志琅邪亦有平昌郡

國志屬北海非印所封地

武成侯賢 郡國志泰山郡南城劉昭注左傳襄十九年城武

城杜預曰泰山南武城縣是矣南城漢書屬東海其字作成

白石侯雄渠 正義曰白石故城在德州安德縣北二十里司

馬貞以為金城縣誤矣

阜陵侯安 九江縣

安陽侯勃 汝南有安陽縣司馬貞以為馮翊疑誤

陽周侯賜 上郡縣括地志寧州羅川縣在州東南七十里漢

陽周縣

漢書辨疑卷四

東城哀侯良 九江縣良當作良

平陸侯禮 孝景元年禮為宗正地理志東平陸屬東平國封

國例有戶數王子侯表上卷惟載山原五百五十戶安郭五

百二十戶下卷惟載富陽八百戶新利四百戶成鄉九百戶

成陵四百一十戶祚陽九百一十戶陽興千三百五十戶合

陽千一百六十戶承鄉二千七百戶藉陽六百戶膠鄉七百

四十戶庸九百一十戶式三百戶釐鄉四百七十二戶故史

記所載之平陸侯禮三千二百六十七戶休侯富千七百五

十戶沈猶侯歲千三百八十戶棘樂侯調千二百一十三戶

皆未之及非無籍可攷即轉寫漏落也

休侯富更封紅侯 紅沛郡縣地理志作垺郡國志作紅春秋

昭八年蒐於紅杜預曰沛國蕭縣西有紅亭休紅二地故云更封劉歆封紅休侯蓋兼有之

諡曰懿 史記作莊侯表例諡當在封地下

紅懷侯澄 史記作悼侯澄

敬侯嘉 嘉史記作發

沈猷夷侯歲 歲史記作穢猷傳作猶同司馬貞曰漢表在高

宛高宛于乘縣也楚元王傳注晉灼曰表屬于乘今表脫注

高宛孟子書有沈猶氏蓋以地爲氏者

宛胸侯執 濟陰縣南漢志作冤句盧縮傳作宛句水經注作

冤胸字異地同執景帝紀作執

棘樂敬侯調 左傳昭四年吳伐楚入棘杜預曰

漢書辨疑卷四

北有棘亭

乘氏侯買 濟陰縣

安城思侯蒼 長沙縣地理志作安成古字通下注豫章當在

宜春侯成下誤移于此

句容哀侯黨 丹陽縣下注會稽誤

容陵侯福 長沙縣史記作句陵誤

杏山侯成 族子玷曰後漢書岑彭傳許都起杏注南陽復陽

縣有杏聚郡國志同太平寰宇記光州仙居縣有杏山仙居

于漢爲軌縣屬江夏郡

浮丘節侯不害 史記作不審疑誤

廣戚節侯將 沛郡縣將史記作擇

丹陽哀侯耿 丹陽縣下注無湖無與蕪同亦丹陽縣名

盱台侯蒙之 臨淮縣地理志作盱眙同蒙之史記作蒙之

胡孰頃侯胥行 丹陽縣史記作湖孰同胥行史記無行字

秣陵終侯纏 丹陽縣史記作秩陽纏史記作漣

淮陵侯定國 史記作睢陵淮陵睢陵竝臨淮縣傳作淮陽非

也水經注睢水又東逕睢陵縣故城北武帝封江都易王子

劉楚為侯國名雖不同當以睢陵為正

張梁哀侯仁梁共王子龍丘侯代菑川懿王子 史記皆作江

都易王子

劇原侯錯 菑川縣

九月乙巳封 史記作五月

漢書辨疑卷四

懷昌夷侯高遂 史記作壤夷侯遂

胡侯延年 史記無年字

平望夷侯賞 北海縣李賢曰今青州北海縣西北平望臺是

也一名望海臺

葛魁侯威坐縛家吏恐揭受賕棄市 史記坐殺人

益都敬侯胡 北海有益縣水經注巨洋水又東北逕益縣故

城東又東北積而為潭枝津出焉西北流逕故益都城武帝

封劉胡為侯國是益都與益縣不遠

平的戴侯強 北海縣史記作平酌誤

劇魁夷侯黑 北海縣史記黑作墨

五年乙巳封 年當作月

思侯招 史記名昭

孝侯利親 與平的釐侯同名且同是菑川懿王之後疑有諱字

壽梁侯守下注壽樂 或說壽梁卽壽良也東郡縣名壽樂亦

卽壽良之異稱

平度康侯行 東萊縣行史記作衍

宜成康侯偃 濟南縣下注平原疑誤

臨胸夷侯奴下注東海 地理志臨胸縣兩見一屬東萊一屬

齊郡此云東海當是東萊之譌也屬東海者是胸縣非臨胸

雷侯稀城陽共王弟下注東海 案地理志昌慮屬東海慮屬

城陽此國分自城陽則雷當作慮若從東海之說當爲昌慮

漢書辨疑卷四

矣弟史記作子

東莞侯吉 琅邪縣

辟土節侯壯 辟土史記作辟水經注葛陂水出三柱山西南

流逕辟土城南世謂之辟陽城武帝封劉壯爲侯國

侯明 史記明作朋

尉文節侯丙 史記趙世家以尉文封相國廉頗爲信平君正

義曰尉文蔚州地

封斯戴侯胡傷 常山縣史記作共侯胡陽

榆丘侯受福 史記受作壽

邯鄲衍侯仁 魏郡縣

東城侯遺爲孺子所殺 史記遺有罪國除

廣望節侯忠 涿郡縣史記作望廣誤忠史記作安中案節侯

之子名中則其父必不名安中亦誤

將梁侯朝平 水經注博水又北逕清涼城東即將梁也應與

中山之望都相近

薪館侯未央 史記作新館

陸城侯貞 中山縣地理志作陸成古字通史記作涇城誤蜀

志先主諱備漢景帝子中山靖王勝後也勝子貞元狩六年

封涿縣陸城亭侯坐酎金失侯案亭侯之制至建武時始有

蜀志衍亭字遂與此不合以陸城為涿縣亦誤

薪處侯嘉 中山縣史記及地理志作新處

蒲領侯嘉下注東海 勃海縣東海當作勃海

漢書辨疑卷四

棗強侯晏 清河縣

畢梁侯嬰 閩本作卑梁 高密頃王子都亦封卑梁

荀光侯殷 史記作房光形相似而譌

距陽憲侯句侯淒嗣 史記句作白淒作渡

萑節侯退 後漢書馮異傳有無萑亭注云在今饒陽縣東北

卽其地矣退史記作邈

阿武戴侯豫 涿郡縣

參戶節侯免 勃海縣免史記作勉

州鄉節侯禁 涿郡縣

平城侯禮 當依史記作成平勃海縣也索隱曰漢表在南皮

今脫

廣侯順 齊郡縣

陰安康侯不害 魏郡縣史記作陪安疑誤

哀侯秦容 閩本作秦容猶言郢容

榮關侯騫下注荏平 荏平東郡縣續漢志屬北國

周望康侯何 史記作周堅

陪繆侯則 則史記作明

前侯信 史記作叢索隱曰漢表作鼓

安陽侯樂 安平原縣陽當為煬史記樂作桀

五據侯臞 史記作臞巨以下五侯表云濟北式王子史記

俱作濟北貞王子 表無濟北貞王但有成王胡成與式相似

富侯龍 泰山有富陽縣

漢書辨疑卷四

平侯遂 或以為河南縣濟北封地不能遠至河南

羽康侯成 平原縣

胡母侯楚 族子埒曰風俗通胡母姓本陳胡公之後公子完

奔齊遂有齊國齊宣王母弟別封母鄉遠本胡公近取母邑

故曰胡母氏據此則為齊地何疑

離石侯綰 西河縣

邵侯順 索隱曰漢表在山陽今脫然代共王子所封屬於西

河者多唯臨河屬朔方以邵為山陽猶以臬琅為臨淮以千

章為平原與代地毫不相關也順史記作慎

藺侯駘車 西河縣

臨河侯賢 朔方縣

濕成侯忠 西河縣

土軍侯郢客 西河縣

皋琅侯遷 西河縣

千章侯遇 西河縣

博陽頃侯就 田儻傳田橫走博史記作博陽卽此

靈陽節侯恬 太山縣索隱曰漢表在濟南今脫夏侯勝傳初

魯共王分魯西靈鄉以封子節侯別屬大河此靈陽卽西靈

鄉

瑕丘節侯政 山陽縣

公巨夷侯順 沛郡縣

陸地侯義下注辛處 史城作陘城誤辛處卽新處中山縣

漢書齊疑卷四

九 廣雅書局

武始侯昌 魏郡縣

烏氏節侯賀 鉅鹿縣

易安侯平下注鄙 易涿郡縣鄙常山縣

路陵侯童 史記作洛陵疑昭陵之誤昭陵長沙縣

攸輿侯則 攸長沙縣輿字未詳水經注攸水逕攸縣北縣北

帶攸溪蓋卽溪以名縣也武帝封長沙定王子劉則爲侯國

茶陵節侯訢 長沙縣

建成侯拾 豫章縣索隱曰漢表在豫章今脫

安眾侯歎 南陽縣故宛西鄉說文無歎字疑當作歎音苦管

反

葉平侯喜 南陽縣史記喜作嘉嘉與喜字近易訛下高平侯

喜功臣表涉都侯喜史記亦並作嘉

利鄉侯嬰 東海縣水經注游水北逕東海利成縣故城東故

利鄉也

東平侯慶 卽元鼎元年爲大河郡者甘露二年爲王國

運平侯記 左氏傳成十六年公還待於鄆京相璠曰公羊作

運字今東郡廩丘縣東八十里有故運城卽此城也

山州侯齒坐酎金免 案齒于元鼎六年擊閩越坐畏懦誅

海常侯福坐酎金免 案功臣表繆嬰侯劉福以校尉從橫海

將軍擊南越元封元年正月乙卯封二年有罪免蓋初以王

子封後以有功封

騶丘敬侯寬 史記騶作鈞寬作憲

漢書辨疑卷四

原侯報德 史記作執德

南城節侯貞 東海縣

廣陵虜侯裘 廣陵縣徐廣曰一作廣陽非也史記作常侯表

杜原侯皋 史記作莊原

臨樂敦侯光 勃海縣

高平侯喜 史記喜作嘉嘉是中山靖王子也元鳳五年又封

中山康王子喜爲成侯嘉爲喜之父行不應同名當從史記

廣川侯頗 信都縣

重侯擔下注平原 勃海縣史記作千鍾侯搖水經注作千童

侯陰陰與搖聲相近擔與搖形相似酈元說是也平原有重

丘非擔所封地

被陽敬侯燕 千乘縣史記作披陽李賢曰被陽故城在今淄州高苑縣西南

定敷侯越 勃海縣史記敷作敬下柳康侯子亦諡敷

定侯乘王莽篡位絕 三史拾遺曰按侯乘絕于王莽之世不得有諡且定爲國名豈當更以定爲諡乎定侯之定其爲衍文無疑

稻夷侯定 琅邪縣

山原侯國 山地名原諡也說文邑部邨地名从邑山聲疑卽

此矣

繁安夷侯忠 千乘縣

柳康侯陽已 勃海縣陽已史記及水經注只作陽

漢書辨疑卷四

十一 廣雅書局

雲夷侯信 琅邪縣水經注云富平縣西有東方朔冢冢側有

祠祠側有雲城武帝封劉信爲侯國

牟平共侯深齊孝王子 東萊縣史記深作縹後漢書劉寵傳

吳志劉繇傳並云孝王少子

某原侯代 泰山縣

某侯終古 史記作柏陽

敵安侯延年 常山縣史記敵作鄙

乘已節侯將夜 乘已史記作桑已中山王子封地不能遠至

泰山郡之乘已史記趙世家趙肅侯二十三年與齊魏戰於

桑已括地志桑已故城在易州遂城縣界索隱曰漢表在深

澤今脫溪澤中山縣

柳宿夷侯益 索隱曰漢表在涿郡今脫外戚傳書之柳宿蘇

林曰聚邑名也在中山盧奴東北三十里

樊輿節侯脩 涿郡縣脩史記及水經注並作條案脩與條古

字通周勃傳迺封為條侯地理志作脩應劭曰音條

曲成侯萬歲下云涿 此非東萊之曲成也

安郭于侯傳富 水經注滹水東南逕安郭亭東

安險侯應 中山縣

安道侯恢 史記作安遙

夫夷敬侯義 零陵縣

春陵節侯買 南陽縣後漢書宗室四王傳云節侯買封于零

道之春陵鄉至考侯仁以春陵地執下溼山林毒氣上書求

漢書辨疑卷四

十一 黃雅書局印

減邑內徙元帝初元四年徙封南陽之白水鄉猶以春陵為

國名

戴侯熊渠 後漢書同惟景十三王傳只作庸

孝侯仁 後漢書城陽共王祉傳文選南都賦注引東觀記並

作考侯

都梁敬侯定 零陵縣史記定作遂

逃陽靖侯狩燕 零陵縣史記狩燕作狗燕索隱曰漢表名將

燕狩字誤

零陵節侯賢 零陵縣史記作泉陵是

終弋侯廣置衡山賜王子 史記作衡山王賜子陳景雲曰衡

山賜王疑是衡山王賜之誤但賜坐謀反國除事在元狩元

年若有子爲列侯雖不與逆謀亦應奪爵不應至元鼎中始以酎金免矣則衡山賜三字恐皆有誤

昌侯差 琅邪縣

蕢侯方 索隱曰漢表在琅邪今脫

庫葭康侯澤 琅邪縣地理志作雲葭

原洛侯敢 史記作石洛侯敬

挾術侯昆景 史記作扶滯侯昆吾李廣芸曰昆吾雙聲得以

命名作昆景誤談秦曰昆景雙聲昆吾非雙聲漢書較長

釐侯霸 挾史記作按

杻節侯讓 平原縣

文成侯光 史記作父成下注東海非潁川之父成矣

漢書辨疑卷四

庸侯餘 史記餘作譚

鱸侯應下注襄賁 襄賁東海縣

彭侯強 史記強作偃族子姑曰彭卽昉郡國志泰山費縣有

昉亭者是費前屬東海後改屬泰山說文昉亦作彙案本表

劉屈釐封彭侯澎卽彙字之誤然則彭卽彙也功臣表彭簡

侯秦同其元孫壽王爲費公士正在其處

執節侯息 北海縣

虛水康侯禹 琅邪縣

東淮侯類下注北海 索隱曰漢表在東海北當作東

拘侯賢 史記作拘侯賈

涓侯不疑 史記作涓侯

陸元侯何元鼎元年七月辛卯封下注壽光 史記作元狩元
年四月封壽光北海縣

廣饒康侯國七年辛卯封 齊郡縣年當作月以下三侯表皆

云七月封史記皆作十月表中世次宣帝以後略而不書案

王莽傳有廣饒侯劉京奏符命

餅敬侯成 琅邪縣

俞闔煬侯母害 史記作不害

甘井侯光 史記光作元

襄隄侯聖始元二年聖子倫以曾祖廣川惠王曾孫為廣德王

襄隄史記作襄陵始元當作元始曾祖二字疑衍

皋虞煬侯建 琅邪縣

漢書辨疑卷四

古 廣雅書同疑

頌侯顯 頌非諡疑頃之譌

魏其煬侯昌 琅邪縣

祝茲侯延年 史記無年字水經注膠水逕祝茲縣故城東

高樂康侯 勃海縣

參議侯則 郡國志濟陰定陶有三觀亭

南繚侯佗 鉅鹿縣

鄙侯舟 常山縣南雍本闕本於第一格有師古曰鄙音呼各

反八字今脫

爰戚侯當 山陽縣

粟節侯樂 沛郡縣

涑夷侯周舍 沛郡縣

虢節侯起 濟南縣

柳裴戴侯道 魏郡縣說文解字亦作柳裴地理志作卽裴鄭

德音卽非

澎侯屈釐 屈釐傳及百官表竝作屈釐古字通功臣表歷侯

程釐史記釐作釐傳云以澎戶二千二百封表脫戶數

漢書辨疑卷四終 南海潘乃成番禺黎永椿林國贊章琮校字

漢書辨疑卷四

十五

廣雅書局藏

